

## In Frontem Libri.

**P**Hœbi sacerdos quisquis inedita  
Miracula terræ quæris, & æquoris  
Portenta perlustrare gestis:  
    Huc celeri properato gressu.  
En, erudita panditur à manu,  
Quicquid procellis exitialibus  
    Sævaq; ventorum catervâ  
    Æquorei Dominator orbis  
Olim timendus, conjugis e sinu  
Raptum aviorum per juga montium  
    Dispersit audax, cum feroci  
    Diluvio premeretur orbis.  
Qui tunc per ulmos innocuo gradu  
Lusere pisces, qui juga montium  
    Suprema ceti permearunt,  
    Nonq; suas stupuere sedes:  
Quæ tunc ab imis undiq; syrtibus  
Pontiq; gazis eruta dispulit  
    Montes per altos Amphitrite  
    Athereci nova monstra mundi:  
Hæc ipsa promit cortice saxeo  
Vestita, magno dignus Apolline  
    Ductore WOLFARTUS, parentis  
    Dædaliæ melior sacerdos.  
Viden? ut ortos æquore Nautilos  
Et septa spinis Cornua, Cochleas  
    Læves, striatas, Cassidesq;  
    Hasfiacis tumulata terris  
Ostendat orbi? cernis, ut intimis  
Evulsa largi visceribus soli  
    Metalla, petrefacta ligna &  
    Hasfiacæ nova mira terræ  
Orbi eruditio pandat, & abditos  
Commonstret ignes, qui mineralium  
    Non erubescendi parentes  
    Hæc pariunt celebrata mundo.  
Revolve Cartas, inspice schemata:  
Certas videbis diluvii notas,  
    Lususq; naturæ stupebis  
    Per gelidæ cava claustra terræ;  
Tandem sedebit menti ea opinio:  
*Quæ sparsa mundo mira stupescimus,*  
*Hæc dona sunt grassantis undæ in*  
*Exitium pereuntis orbis.*

Hæc & explicandæ fronti operis & Honori  
Clarissimi Domini Auctoris scribebat  
JOH. ADOLPH HARTMAN,  
Phil. & Poet. in Illustri Carolino Professor.